



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (K&P)
SETIAUSAHA AKHBAR**

10 SEPTEMBER 2019 (SELASA)



**KERATAN AKHBAR
DAN MEDIA ONLINE
(KPDNHEP)**

10 SEPTEMBER 2019 (SELASA)

5 tahun hidu habuk kilang sawit



Kilang memproses sawit yang mengakibatkan pencemaran di Kampung Sungai Tengas.

(Foto Sharul Hafizzam/BH)

Debu hitam kotorkan rumah, jejas kesihatan penduduk

Oleh Muhammad Mustakim Ramli
m.mustakim@bh.com.my

Bandar Baharu: Lebih 2,000 penduduk di Kampung Sungai Tengas, di sini mendakwa kehidupan mereka terganggu dengan habuk daripada asap sebuah kilang kelapa sawit, sejak lima tahun lalu.

Mereka mendakwa habuk itu bukan sahaja menyebabkan kawasan luar dan dalam rumah kotor dengan debu hitam, malah menyebabkan penduduk kerap mengalami gatal badan terutama kanak-kanak dan warga emas.

Pengerusi Majlis Pengurusan Komuniti Kampung (MPKK) Sungai Tengas, Mohd Alias Mat Ali, 35, mendakwa kilang itu beroperasi sejak 2007, namun mula mendatangkan masalah kepada penduduk selepas dua kilang lagi dibuka di kawasan sama.

Katanya, dua kilang itu adalah kilang gentian dan baja, yang kedua-duanya berasaskan kelapa sawit dan beroperasi sejak 2013.

"Ketika awal kilang pertama beroperasi, ada juga masalah seperti pencemaran air tetapi di selesaikan dengan kadar segera.



Saifuddin memberi taklimat kepada penduduk mengenai kilang sawit yang mengakibatkan pencemaran di Dewan Kampung Sungai Tengas.

"Namun sejak lima tahun kebelakangan ini, mereka tidak mengendahkan masalah yang berlaku. Kami tidak pasti sama ada semua kilang ini mempunyai lesen atau hanya satu yang sah manakala selebihnya menumpang," katanya ketika ditemui, di sini.

Mohd Alias berkata, penduduk tidak menolak pembangunan tetapi mengharapkan kilang itu peka keadaan sekitar berikutan jarak kilang dan perumahan penduduk hanya ratusan meter.

Beliau turut membawa wartawan meninjau kawasan sekitar kilang, tetapi kilang itu tidak beroperasi sejak tiga hari lalu selepas dikatakan mendapat ama-

ran serta diberi notis daripada Jabatan Alam Sekitar (JAS).

Seorang penduduk, Aziz Ibrahim, 53, berkata walaupun pelbagai aduan dibuat dan tindakan diambil, kilang itu masih beroperasi dan ada ketikanya pada waktu malam.

"Sebelum ini berdebu teruk, kalau pijak lantai hitam tapak kaki. Kain baju di ampai lagi pun kotor, kalau pakai jadi gatal.

"Ini kebetulan mereka tutup, kalau beroperasi boleh tengok asap kilang macam mana, hitam dan berdebu," katanya.

Terdahulu, masalah itu mendapat perhatian Menteri Perdagangan Dalam Negeri dan Hal

Ehwal Pengguna, Datuk Seri Saifuddin Nasution Ismail, yang turun padang bertemu penduduk bersama JAS.

Beliau yang juga Ahli Parlimen Kulim-Bandar Baharu, berjanji akan membawa perkara berkenaan untuk perhatian Menteri Tenaga, Sains, Teknologi, Alam Sekitar dan Perubahan Iklim, Yeo Bee Yin, dalam tempoh terdekat.

"Pihak kilang sudah diberikan notis oleh JAS untuk memasang penapis habuk bagi menyerap habuk keluar dan kerja memasang itu sedang dijalankan," katanya ketika bertemu penduduk di Dewan Kampung Sungai Tengas, di sini, petang kelmarin.



**KERATAN AKHBAR
DAN MEDIA ONLINE
(BERITA UMUM)**

10 SEPTEMBER 2019 (SELASA)

Lelaki warga Thailand cuba seludup petrol ditahan



Kereta jenis Proton Wira digunakan untuk menyeludup petrol yang disita KPDNHEP Kelantan kelmarin.

JELI - Seorang lelaki warga Thailand ditahan Kementerian Perdagangan Dalam Negeri dan Hal Ehwal Pengguna (KPDNHEP) Negeri Kelantan selepas didapati cuba menyeludup petrol di sini kelmarin.

Pengarahnya, Adnan Abd Rahman berkata, lelaki itu ditahan bersama 187.06 petrol RON95 bernilai RM389.10 yang diisi dalam tangki sebuah kereta jenis Proton Wira diubah ubah suai.

"Hasil risikan, anggota penguat kuasa mengesyaki terdapat cubaan menyeludup barang kawalan itu ke negara jiran sebelum tindakan lanjut dijalankan.

"Pemilik kenderaan didapati membuat belian pada harga tidak munasabah dan semakan resit pembelian disahkan oleh stesen minyak berkenaan," katanya dalam satu kenyataan.

Adnan berkata, pihaknya turut menyita kenderaan digunakan yang dianggarkan bernilai RM6,000.

Beliau berkata, kejayaan itu adalah hasil maklumat risikan yang dijalankan anggota selain kerjasama daripada orang awam.

"Susulan itu, kita telah menahan lelaki berkenaan untuk membantu siasatan. Kes disiasat mengikut Akta Kawalan Bekalan 1961," katanya.